

Ո Ր Ո Շ ՈՒ Մ N 293/6
/վարչական տույժ նշանակելու մասին/

«26» հոկտեմբերի 2018թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Մելքոն Աղաջանյանս, քննելով Գրիգոր Մովսիսյանի / անձն. AR0601510, քաղաքացիություն՝ Հայաստանի Հանրապետության/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՀ քաղաքացի Գրիգոր Մովսիսյանի անվամբ 12.08.2018 թվականի թիվ 05100033/120818/0000249034 մաքսային մուտքի օրդերով «Ժամանակավոր ներմուծում» մաքսային ընթացակարգով 30 օր ժամկետով ՀՀ տարածք է ներմուծվել BMW-730 մակնիշի, LAUAX777 պետհամարանիշի, 2004 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը սահմանվել է մինչև 11.09.2018 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի ավագ մաքսային տեսուչ-իրավաբանի կողմից 17.09.2018 թվականին Գրիգոր Մովսիսյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ BMW-730 մակնիշի, LAUAX777 պետհամարանիշի, 2004 թվականի արտադրության տրանսպորտային միջոցը 12.08.2018 թվականին Բագրատաշենի մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի կատարվել:

Նշանակվել է գործի քննություն 08.10.2018 թվականին ժամը 11:00-ին, ՄՄՕ-ում նշված հասցեով վերջինիս է ուղարկվել ծանուցում քործի քննության վերաբերյալ: Քանի որ ծրարը վերադարձվել է «տեղափոխված» նշանագրումով՝ գործի քննությունը հետաձգվել և նշանակվել է 26.10.2018թ. ժամը 15:00-ին: Ծանուցագիրը գործի քննության վերաբերյալ հրապարակվել է ՀՀ հրապարակային ծանուցումների պաշտոնական ինտերնետային կայքում:

08.10.2018թ. թիվ 22.1./59622-18 գրությամբ հարցում է կատարվել ՀՀ Ոստիկանության անձնագրային և վիզաների վարչություն՝ ՀՀ քաղաքացի Գրիգոր Մովսիսյանի (անձնագիր՝ թիվ AR0601510)՝ ՀՀ-ում հաշվառված լինելու վերաբերյալ տեղեկություն ստանալու նպատակով: Պատասխան գրությամբ հայտնել են, որ

Գրիգոր Սամվելի Մովսիսյանը, ծնված 27. 01. 1995թ. -ին, հաշվառված է Շիրակի մարզ, ք. Գյումրի, Լ. Մադոյան փ. շ. 214, բն. 47 հասցեում:

Գործի քննության ընթացքում պարզվել է, որ Գ.Մովսիսյանը բացակայում է ՀՀ-ից, որից հետո ՀՀ ՄՕ 219 հոդվածի 2-րդ մասի ուժով գործի քննությունը անցկացվել է վերջինիս բացակայությամբ:

Մաքսային կանոնների խախտման վերաբերյալ վարչական վարույթի շրջանակներում 16. 10. 2018թ. թիվ 22. 1. /1819615-18 գրությամբ հարցում է կատարվել ՀՀ ՊԵԿ Արարատյան մաքսատուն վարչություն Գրիգոր Մովսիսյանի կողմից 12.08.2018թ. թիվ 05100033/120818/0000249034 ՄՄՕ-ով ներմուծված BMW-730 մակնիշի, LAUAX777 պետհամարանիշի, 2004 թվականի արտադրության տրանսպորտային միջոց որևէ այլ մաքսային ընթացակարգով ձևակերպվել է, թե՛ ոչ: Պտասխան գրությամբ պարզվել է, որ Գրիգոր Մովսիսյանի կողմից 12.08.2018թ. թիվ 05100033/120818/0000249034 ՄՄՕ-ով ՀՀ ներմուծված BMW-730 մակնիշի, LAUAX777 պետհամարանիշի, 2004 թվականի արտադրության տրանսպորտային միջոցը որևէ այլ մաքսային ընթացակարգով չի ձևակերպվել, ինչպես նաև ժամկետի երկարաձգում չի կատարվել:

Տրանսպորտային միջոցի մաքսային արժեքն՝ ըստ մաքսային մուտքի օրդերի կազմում է 4821600 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 2025072 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք

թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Սույն դեպքով Գրիգոր Մովսիսյանի անվամբ 2605100033/120818/0000249034 ՄՄՕ-ով ներմուծված BMW-730 մակնիշի, LAUAX777 պետհամարանիշի, 2004 թվականի արտադրության տրանսպորտային միջոցի ժամկետը ավարտվել է 11.09.2018թ.: Գրիգոր Մովսիսյանը սահմանված ժամկետում չի դիմել մաքսային մարմիններին ժամանակավոր ներմուծման ժամկետը երկարաձգելու խնդրանքով, չի ձևակերպել <<Մաքսային պահեստ>> մաքսային ընթացակարգով, ինչպես նաև վերջինս չի դիմել "ժամանակավոր ներմուծում" մաքսային ընթացակարգի ժամկետի երկարաձգելու խնդրանքով:

Այսպիսով վարչական մարմինը քննելով գործում առկա ապացույցները գտնում է, որ Գրիգոր Մովսիսյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի՝ Գրիգոր Մովսիսյանին ենթարկել վարչական պատասխանատվության՝ տուգանելով 1012540 ՀՀ դրամի չափով:
2. Որոշման մասին հայտնել Գրիգոր Մովսիսյանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արևելյան մաքսապուն-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Մ. ԱՐԱՋԱՆՅԱՆ